

林天蔚 著

宋代香藥貿易史

錢穆題



中國文化大學出版部印行



林天蔚著

宋代香藥貿易史

中國文化大學出版部印行

中華民國七十五年十月出版

宋代香藥貿易史

定價：平裝每本新臺幣三五〇元整

版權所有

不許翻印

著作者：林天蔚

出版者：中國文化大學出版部

代表人：李福臻

登記證：行政院新聞局局版臺業字第二一一一六號

地址：臺北市陽明山華岡路五十五號

電話：八六一一八六一

郵撥：〇一〇一四二五—二號帳戶

門市部：華岡書城

地址：臺北市漢口街一段三十一號二樓

電話：三八一二八一

印刷者：華岡印刷廠

地址：臺北市陽明山華岡大功館

電話：八六一一八六二

羅序

羅香林

治史以通古今之變，達中外之郵爲極軌。故各大學史學系，其課程於通史、專史、斷代史、國別史外，每有歷史哲學，及中西交通史等，所由揚推至理，擴張史實，意至善也。余自抗日勝利之年，出長廣東省立文理學院，仍兼國立中山大學史學系教授，卽主張於二校加重中西交通史，及南洋史地等課程。而於所授隋唐五代史，及史學方法等，亦每舉中外交通與文化交流諸關係，爲學子探討參稽。會遭時難，故土重淪，余避居香港，仍以教學爲業。而舊籍散佚，研究幾輟，思之良自愧怍。

惟幸往日交遊，至港者眾，得慰岑寂。新結朋侶，亦多治史，興趣漸復。而門人林君天蔚，遂於各校講授史地之餘，撰作「宋代香藥貿易史稿」一書，都二十餘萬言。凡分三編：一、序論，略述宋代與亞拉伯等國往來貿易，所由發達究竟。二、總論，於香藥之種類，與其產地及運輸，以至香藥貿易與市舶司之關係等，皆博稽廣證，探釋靡遺。三、分論，於各國香藥之入貢，與香藥專賣，香藥儲銷，香藥用途，及香藥貿易之影響等，尤悉心究求，闡發特多。而宋代與亞拉伯等國之經濟與文化交流關係，亦藉是得所考見。信夫其爲今日史學瑰寶矣。

夫香藥，種類至繁，作用至夥，可爲防腐避垢，去疾治瘡，寓有聖潔之意，非第芬芳馥郁，足爲適性怡情而已。在昔化學香品未興時代，天然香藥實與民生日用，不可分離。而中土所產者少，必常取給

於外。是故海舶往來，每多香藥。而宋代對外貿易，亦緣是發達。宋史食貨志，謂宋代經費，茶、鹽、礬外，惟香利爲博。則其關係於對外與國家財計者之鉅，蓋可知矣。而自來治宋史者，未有以香藥貿易爲探本窮源，撰作專書，以表白之者。獨林君勵志於流離艱難之際，不以世事危疑爲阻，爬羅放佚，以成此篇。學風寢起，余能不爲之歡忻鼓舞乎。

抑林君治學甚勤，而更嗜宋史，及中西交通史等。余嘗與之論述治史理則，則見其大涵細入，言必有據。而其所已鳩集資料，研究已深，並將另撰專書，以與碩學鴻儒相是正者，更視此篇爲富。假之歲月，終必躋於極軌。則今茲史稿，又適足爲其史學大成之先兆矣。是爲序。

中華民國四十九年一月二十日

羅香林撰於香港大學

黃序

黃福鑾

一

吾華先民務實際，重史事；在昔中西未通時，道一風同，前賢胥致力於此，勒成專門名家之名業，林林總總，無不悉備。時至今日，交通大啓，學科紛繁，奮志史學者，雖欲續前賢軌範；然體大思深，已不逮遠矣。

雖然，歷史可資研究之範圍，至爲深廣。若能以專題爲研究對象，旁搜遠紹；雖不逮前賢之廣聞博識，要亦不失專精深邃，實事求是也。

昔人述史，典章制度較晚出。而典章制度之專書，向爲學者所重；其中會要一類，近代學人，尤視爲瑰寶焉。今請略言會要成書之種類與沿革。

二

世之言典章制度勒成專書者，始於唐杜佑通典。杜氏之前，肅宗時劉秩有政典三十五篇，杜氏以爲未盡。因補其闕漏，斟酌新禮，成八典二百卷。又通典成書之前二十年許，蘇冕撰會要，起自高祖，止

於德宗，凡九朝事，總爲四十卷，亦專記典章制度。惟政典、通典，偏重於制度源流之敘述，會要則採集政府各種記錄，編集而成；尤以實錄、日曆及政府檔案爲主。若以政典、通典爲制度史，則會要爲制度史之史料。史料最易窺察歷史真相，故應用會要爲研究之材料，饒有價值也。

三

蘇冕之會要既成。宣宗時，詔楊紹復次德宗以來事，爲續會要四十卷。宋初，王溥續至唐末；合前所輯爲唐會要一百卷。尋又撰五代會要三十卷。由是會要之書，至宋遂大盛，舉其要者：

三朝國朝會要：章得象撰，錄太祖太宗眞宗三朝事，共一百五十卷。

六朝國朝會要：王珪撰，起自太祖建隆至神宗熙寧十年，凡三百卷。

政和會要：王覲等撰，錄徽宗朝事，凡一百一十卷。

此外，續會要三百卷（神宗至靖康末）、中興會要二百卷（高宗朝）、淳熙會要三百六十八卷（孝宗朝）、嘉泰會要二百卷（寧宗朝）、慶元光宗會要一百卷（寧宗朝）。

此外，有南宋會要。淳祐十一年二月鄭清之及寶祐二年八月謝方叔皆上會要。大概有宋一代之帝王，會要皆備。南宋徐天麟撰西漢會要七十卷、東漢會要四十卷，清孫楷撰秦會要二十卷，楊晨撰三國會要二十二卷，皆沿宋會要之史體而成，而尤以宋爲最發達。

四

宋代會要號最發達，然流傳未廣。宋史藝文志所收之書最龐雜，獨未及會要。惟元史禮志，其中多引自宋會要。明代文淵閣書目，宙字號第二櫥，有宋會要一部。以知宋會要在元明之際，雖未佚，但非流行，故宋史藝文志未收錄也。

明宣德間，文淵閣藏書被焚；至萬曆時重修，已無其目。清嘉慶十四年，徐松修全唐文，從永樂大典中輯出宋會要五六百卷；徐氏整理未竣而卒。其稿流落於北平琉璃廠書肆，先後曾歸繆荃孫、廣雅書局與王秉恩、劉翰怡等。民國四年，劉翰怡曾延劉富曾、費有容重加釐訂；並以宋史、通考、玉海等書刪繁補闕；初編三百六十四卷（僅刪併原稿），後增改爲四百六十卷。

民國二十年，商務印書館購得劉翰怡之徐氏原稿及劉富曾氏改編本，復加整理，得二百冊，由大東書局影印出版，即爲現今坊間所流行之宋會要輯稿。

五

近人研究宋史，每感著手爲難。蓋宋史篇幅最廣，而內容亦最蕪雜。若能以宋會要爲主要資料，重加釐訂，庶幾可臻完善。且宋會要於往昔流傳不廣，可資利用之資料固甚豐也。

清梁延柟修粵海關志，取宋會要而作前代記事，亦祇用其中職官四十四之市舶條例。日人藤田豐八

著宋代之市舶司及市舶條例，所引之材料，由劉翰怡商借，亦僅用市舶一部分而已。昔年余與友人戴裔煊君同治史學於粵北，戴君著宋代鈔鹽制度研究（今已出版），其材料亦以宋會要爲主。由是足證以宋會要爲材料主要來源之專著，皆能蜚聲於時，詎非文獻足徵乎。

六

門人林天蔚君，好學深思，與余同違難居港；又重與遊於羅師香林之門。發憤力學，近著宋代香藥貿易史稿，凡二十餘萬言。其材料亦以宋會要爲主。觀其所述，條理清晰，豐穎多采，不勝喜慰。蓋不僅宋代香藥貿易之專史，躍然紙上；而有宋一代社會史、經濟史、交通史，莫不因其所著而獲覩涯略，彌足稱也。余又烏得不爲一言耶。是爲序。

中華民國四十九年一月

黃福鑿序於香港崇基學院史地系

王序

王詔生

吾粵高涼一郡，自民國建元以來，縮虎符，腰金紫者，幾於後先背望；而篤志潛修，耽悅道藝者，尚寡其儔。豈不以聰明特達之士，莫不欲奮志功名，置身通顯，以爲宗族交遊光寵，毋爲是埋首故紙堆中，窮年矻矻，致身名寂寞也。晚乃獲覩林子天蔚，蓋能顯精史學，屏棄百務，庶幾有志於專門名家之業者，不其可貴也歟！丁抗戰後期，余與黃君微五講學於桂頭廣東省立文理學院。林子負笈來遊，以劬學稱。嘗深入徭山，採風問俗。閱二載，同播遷於西江替濮，流離顛沛之餘，林子仍孜孜矻矻，寢饋於乙部。北風雨雪，燈火熒熒，共學於荒江之濱。及今思之，情景恍如昨日。迨抗戰勝利，名史學家羅元一教授奉命接長文理學院。林子獲遊其門，治史方法，日漸邃密，師友咸深器之。夫治史者，明於種姓，且不以險夷貳節。己丑而後，林子與師友相率來港，講學授徒，益恢張前業。松柏後凋於歲寒，鷄鳴不已於風雨，嗚呼！何其壯也。比年林子於研治宋史之餘，稽考羣籍，撰述宋代香藥貿易史稿一巨冊，凡二十萬言。元一教授爲之游揚，獲「哈佛燕京學社」獎助出版，林子索序於余。世之欲考求有宋一代海外貿易史蹟者，是書固燦然大備矣，曷待余一言爲重耶？余獨樂夫林子志事之足尚，與元一教授宏獎人才之美意，足以爲來者勸焉。故略發其微旨如此。

中華民國四十八年十二月三十日

王詔生序於香港

宋序

宋 晞

林天蔚先生大著宋代香藥貿易史稿於二十六年前出版，出版後不久就得到這本書，詳讀之後，有感該書內容豐富，且多新意，表示欽佩。但我認識林先生是後來的事，幾次國際性的學術會議，得緣把晤。如一九七三年七月中旬在巴黎舉行的第二十九屆國際東方學者會議，我們在同一組宣讀論文。他的論文是「北宋四位皇后對政治的影響」，我宣讀的是「宋代戶等考」。由於是研究宋史的同道，相互交換心得的機會就多了。譬如我主持的宋史座談會，每學期至少要舉行兩次，他自香港來臺北，就邀他參加或者作專題報告。

我於民國六十九年夏應香港珠海大學的邀請，擔任客座教授兼中國文史研究所所長，他在香港大學執教，因此與他見面的機會更多。無論是學術討論會或者專題演講會，總有聚晤的時間。去年他應國立政治大學的邀請，擔任客座教授一年，則在臺北經常見面。

宋代香藥貿易史稿初版祇印五百冊，早已售罄。前年中國文化大學出版部有意予以再版，他也欣然同意。我不過是從旁促成此事。他對該史稿趁再版之際作若干處的修正與增補，並將書名的「稿」字刪去。詳見他的再版自序。

最近我翻閱再版本的清樣時，對於此書又有兩點感想：第一，他對宋代市舶司的設置、職權與市舶

使的人選等，有深入的探討；尤其是擔任過市舶使的人員在地方志中有所發現，予以補充，殊為難得。第二，香藥的產地是在印度的東、西洋諸國，經各國朝貢或大食商人的運銷我國。宋朝的政策對香藥是實施專賣（禁權）的，除了中央政府因各種用途而消耗一部分，也准許商人銷行各地外，一部分則轉銷到東北亞各國。每自海上運銷到日本、高麗等國；自陸上經過榷場銷售到遼、西夏、金等國。在第十至十三世紀間，藉香藥的轉銷貿易，促進宋代對上述諸國的交往，也是值得注意的。

天蔚兄於本年七月底來臺北，出席八月初在中央圖書館新館舉行的敦煌學國際研討會後，堅邀為此書再版作序，忝為同道，故樂為之。

中華民國七十五年八月十五日

麗水宋晞撰於陽明山華岡大典館

自序

我國爲世界四大文明古國之一。今日環繞四境之鄰邦，在昔若非爲我之領土，卽爲我之藩屬。且自漢唐以還，中國以威信遠播。此等鄰邦，凜於「天朝」治化之盛，貢使往還，不絕於途。而我國自昔陶醉於「自大」思想，目彼邦爲邊裔；漠視其來貢所引起之交通影響，與中外文化交流景況。歷代史書，對於他邦使臣，祇書其何時來貢，貢何物品而已，其他則略而不述。卽如法顯之佛國記、玄奘之大唐西域記、賈耽之皇華四達記、趙汝适之諸蕃志、周達觀之真臘風土記等，彼等或梯山航海，遠適異域，或博訪賈胡，記其風土。然所言事蹟，有若今日「探險記」等，且處處流露「上國」思想；而於彼此國情之比較及影響，則鮮所深究。故海禁一開，我國昧於世界形勢，故步自封，乃造成近百年來外患頻仍之局。治史之士，鑒於前因，始從事於雜亂無章諸史料中，鈎尋我國與他國之關涉，及其相互影響等諸問題，於是而中西交通史，始爲國人所注意。而余之宋代香藥貿易史稿，亦卽基此因素而完成者。

己丑之歲，余避兵來港。時世局雲擾，幾於戰禍卽發。而回顧海內，愁雲籠罩，讀宋史，觀現勢，頓生親切之感。壬辰秋，因所悵觸，撰作紹興和戰評論一文；於宋史始作較深探究。時吾師羅元一先生，於香港大學講授中國歷史，發現亞拉伯人之香藥貿易對我國中古史影響甚鉅，鼓勵余作專題研究。又以余有志於宋史，遂定題爲「宋代與南海各國之香藥貿易及其影響」，原擬以宋史及宋會要爲主要資料

，旁及於宋人筆記。惟筆記爲書，量多而殊蕪雜，往往翻閱一二十種，而未得可用資料。而香港大學馮平山圖書館所藏宋會要（北平圖書館影印），又以路遠，未能充分利用，故於資料搜集，倍覺艱難。幸蒙羅元一師，與黃徽五、王懷冰二師，多方鼓勵，不敢自逸，繼續撰作。至戊戌春，商務影印本宋會要輯稿出版，卽爲購稽有關資料。凡四易寒暑，始幸脫稿。爲求書名簡明，遂乃改爲宋代香藥貿易史稿。

夫以四年時間，而研治如此重要專題，其掛一漏萬，自屬意料中事。香港雖稱「東方之珠」，然公私藏籍，實多未備。本書引用書目，雖達百數十種，然仍自嫌不足，如白壽彝之宋代之香藥貿易一文（載禹貢三卷五期），森克己之日宋貿易研究等，余曾分函海內外多方找尋，驟不可得。自覺內容尚疏，未敢貿然付梓。惟羅師以此書雖容有未盡，而香藥貿易，其史蹟自具相當價值，並承不棄，與錢賓四先生，於己亥之春，提出於東亞學術研究計畫委員會，推薦於哈佛燕京學社，獲該年度獎金，資助出版。基此原因，乃不能不爲付印，以求就正於中外賢達。其所由命名曰「史稿」者，蓋期之異日得爲補充與修訂也。

本書之成，始終蒙羅元一師，與黃徽五、王懷冰二師，多方指示。又蒙王懷冰師與饒固菴師，供給香藥在文學上之種種資料。熊振宗教授供給回教史部分資料，同事劉茂華先生供給「藥用」部分資料。而關存英先生之相與切磋解惑，與摯友林均田先生之代爲校對作跋，余石林、譚華南二君代爲繪圖，皆與本書刊行，助力至鉅，謹致謝忱，並誌銘感云爾。

林天蔚庚子春序於香港

再版自序

、本書爲作者年輕時之作品，搜集資料始於民國四十七年，四易寒暑始完稿，斯時香港文風未盛，藏書不多，若干重要參考書籍無法尋找，故命名爲「史稿」，以待他日補充與修正。是書刊行後數月，法國Prof. F. Aubin即撰文介紹於 *Historie Et Sciences Sociales* (1960)，而日本香藥史權威山田憲太郎教授 (Prof. Kentarō Yamada，曾以東亞香藥史一書獲日本學士院賞)，即來信聯絡，並贈其著作數種參考。翌年，和田久德教授 (Prof. Wada Hisamori) 即發表對本書最詳盡之書評於東洋學報 (*The Toyo Gakuhō*) 四十四卷一期 (六一一九六一) (朱竹友教授曾譯成中文發表於民國五十三年之大陸雜誌)。此外短篇的文摘及書評，散見於日本及美國的期刊約有數篇，而山田教授十多年間的來往書札，對於本書提出之意見，亦頗有價值。惜二十多年來，筆者於上庠講學，課程範圍較廣，爲適應教學的需求，轉而從事於中古史研究 (隋唐至宋)，所發表的論文及刊行的書籍，均以經濟史、制度史、民族史爲主。近年，更以中古時代之直接史料，如敦煌寫卷、族譜與方志等，探討中古史及地方史諸問題。因此，未有進一步研究香藥史。去年春來臺參加學術會議，晤及前中國文化大學出版部主任朱重聖教授，始知此書在臺灣罕有流傳，建議再版。事實上該書雖獲哈佛燕京學社獎助出版，惟金額甚少，筆者動用當年全部儲蓄，始能刊印五百本，多數運銷海外，故在臺灣流傳不多。宋旭軒 (晞) 教授更以二

十多年之「史稿」，未能修正與補充，不無遺憾。長者之責，爲之汗顏，遂檢錄二十多年來各專家學者之意見及自己所補充之資料，發現增訂者不多。此因：

一、初版時未曾搜集到的書刊，如日本學者森克己及大陸的學者白壽彝、關履權等人著作，似乎無助於本書之修正。

二、關於亞拉伯諸國及來往印度洋各交通樞紐之地名，和田教授認爲應補充日本及外國學者若干著作。但筆者認爲各家意見均不同，且未有定論，本書以「貿易史」爲主題，地名的考證，屬中西交通史範圍，除若干關鍵性的考證外，多未有增改。

三、本書敘述香藥，未能效法山田教授著重藥性之分析，故對香藥之種類，多據文獻。因筆者未有充分的生物化學知識，不能不有所偏。至用洪芻之香譜，以其能代表私人著作；用太平御覽，以其代表官修書籍，且均是宋朝人。至於後代的本草，非必要時不用。

因此，本書再版時，仍保留二十多年前的觀點與內容，當然仍有少量的補充，主要是在財經方面。又用方志及筆記類增補市舶使若干人名及更正若干書名、地名的錯誤而已。同時，筆者坦白承認空疏，此「稿」已無法大爲修改，故正名爲「宋代香藥貿易史」。又此書再版時清樣，陸偉釗君代爲校對，謹此致謝。

中華民國七十五年秋

林天蔚序於香江